

IlanngussaQ Q



INATSISARTUT

Aningaasaqarnermut Aatsitassanullu Naalakkersuisoq

Ulloq: 30. april 2015

J.nr.: 01.31.11-00014

2015-imi aningaasanut inatsisissatut siunnersuut pillugu Aningaasaqarnermut Ataatsimiititaliap allakkatigut akisassatut apeqqutai.

Aningaasaqarnermut Ataatsimiititaliap oqaaseqaatai apeqqutaalu:

2015-imi aningaasanut inatsisissatut siunnersuut pillugu Aningaasaqarnermut Ataatsimiititaliap ilassutitut apeqqutai oqaaseqaataalu matumuuna nassiunneqarput. Ataatsimiititaliap Naalakkersuisunik siunnersiunissamut apeqqutaanut Naalakkersuisut akissutaannik Aningaasaqarnermut Ataatsimiititaliap misissuina apeqqutinut pingaarnertut tunngaviuvoq.

Tassunga atatillugu apeqqutit uku Naalakkersuisunit akissuteqarfigineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Allanguutissatut siunnersuutinut (AS) apeqqutit malitseqartitsissutaasut:

1. AS nr. 54

Kontomi pingaarnermi 20.12.12-imi aningaaseriveqartitsinermit tunngasumi atuinikinnerunerup kingunerisai nassuaqquneqarput.

2. AS nr. 64

24.01.02 Kalaallit Nunaanni aalisarsinnaanermut akuersissutinik nakkutilliisoqarfimmut aammalu piniarnermut nakkutilliisoqarnermut tunngasoq pillugu: akitsuutit qanoq anner-tutigisumik qaffannissaat naatsorsuutigineqarpa? (tonsimut ataatsimut atuisunut akitsuut) aammalu akissarsianut aningaasaliusat sipaarfigineqarnissaat KANUAANA-mut qanorpiag kinguneqassava? KANUAANA-p suliassaarfia annertoreerpoq. Nakkutilliineq annikillissava?

3. AS nr. 126

77.05.02 Pinngortitaleriffimmut tunngasoq pillugu: konto 1,4 millioner kroninik ilanngarneqarpoq, taakkulu annertuginarput. Sipaarniarnerup tamatuma kingunerisassai itisilequneqarput. Pinngortitamut, avatangiisinut inatsisinillu atorfitsinermit tunngasuni sipaarutit qanoq annertutigisut Pinngortitaleriffimmut tutsinneqarpat, tassami taakku sipaarutissaat annertuutut isumaqarfigineqarmata?

Naalakkersuisunik siunnersiunermut ataatillugu apeqqutit malitseqartitsissutit:

1. Naalakkersuisut siulittaasuat:

- a) Grønlandsbankenimi aktiaatit pisortat inuussutissarsiornermi ilaanerannut assersuutitut Naalakkersuisunit isigineqartut Naalakkersuisut siulittaasuannik siunnersiunermi oqaatigineqarpoq. Tassa aktiat aningaasaliusutitut pingaarnertut isigineqanngitsut. Aningaasaqarnermut Ataatsimiititaliamut akissutiminni Naalakkersuisut allapput: "ilisimaneqartutut Grønlandsbanken ullumikkut pappiaqqatut nalilittut akisoorujus-

INATSISARTUT · PARLIAMENT OF GREENLAND

Postboks 1060 · 3900 Nuuk · ☎+299 34 50 00 · ☎+299 32 46 06 · ina@ina.gl · www.ina.gl

Side 1/8

suuvoq patajaatsuullunilu (...). Grønlandsbankimi aktiaatit pappiaqqatut nalittut pitsaasuugaluartut aammalu ukiut ingerlaneranni Namminersorlutik Oqartussanut aktiaatilippassuarnullu allanut ernianik annertujaanik pissarsisimatitsisimagaluartut isumaga malillugu Namminersorlutik Oqartussat aningaaserivimmi aktiaateqartuuginnarnissaat pisariaqanngilaq". Aktiaatilli piginnarnissaat Naalakkersuisunit isumaliutigineqalersaarpa, taamaalilluni ukiuni aggersuni taakkunannga iluanaarutisiaqarnissaq isumakkeerneqaqqunagu, naluneqanngitsutummi isertitsissutissat nutaat eqqarsaatigalugit neriuutissaqarfuaallaanngillat.

- b) Inuussutissarsiornerup pitsaanerpaamik tunngavissaqartinneqarnissaa, taamaalillunilu "niuerfinni atugassarititaasut" malillugit ingerlasinnaallunilu ineriartortinneqarnissaata qitiutinneqarnissaa, Grønlandsbankenimi aktianik tunisinissamik isumaliuteqarnerminut Naalakkersuisut siulittaasuata tunngavilersuutigaa. "Inuussutissarsiorneq niuerfimmi atugassarititaasut nalinginnaasut tunngavigalugit ingerlasinnaaqqullugu ineriartorsinnaaqqullugulu" aktiat piginneqataassutilluunniit allat sorliit tunineqarnissaat pilersaarutigineqarpa?
- c) Grønlandsbankenimi aktianik tunisinissamik kissaateqarneq naalakkersuisooqatigiit isumaqatigiissutaanni nassuiaatigineqartutut namminerisamik aningaaserivimmik pilersitsinissamik naalakkersuisooqatigiit kissaateqarnerannut siunersiorneqarnermini Naalakkersuisut siulittaasuata attuumassuteqannginnerarpaa. Namminerisamik aningaaserivimmik pilersitsinissaq siulittaasup sulissutigineqannginnerarpaa. Akerlianik naalakkersuisooqatigiit isumaqatigiissutaat aningaasanut inatsisissamik suliagarnermi sinaakkutigineqartutut Aningaasaqarnermut Naalakkersuisumit arlaleriarluni erseqqissaatigineqartarpoq. Oqariartuutit taakku marluk imminnut qanoq ataqatigiippat?
- d) Ammanerulersitsinissamik unammilleqatigiinnerullu annertusarneqarnissaanik maanna oqallinnermut tunngatillugu "niuerfimmi atugassarititaasut nalinginnaasut" ilaattut atugassarititaasut suut Naalakkersuisunit isigineqarnersut itisilerneqassasoq kissaatigineqarpoq.
- e) Naalakkersuisunut ilaasortat ataasiakkaat suliassaqarfittut akisussaaffeqarfiinut taak-kulu qanga tiguneqarsimanerannut skemanngorlugu takussutissiamik pissarsisinneqarnissaminik kissaatini ataatsimiititaliap uteqqissavaa. 2015-imi aningaasanut inatsimmut atatillugu allannguutit suut kissaatigineqarnersut aamma allanneq-assapput.
- f) Suliassaqarfik pinngortitamut, avatangiisinut inatsisinillu atuutsitsinnermut tunnga-sunik ullumikkut isumagisaqartoq atorunnaarsillugu immikkoortortat suliassaqar-finnut allanut nuukkaanni qanoq sipaartoqarsinnaava?

2. Aningaasaqarnermut Aatsitassanullu Naalakkersuisoq:

- a) Naligiissaarinnermut aqqissuussinermik nutaamik aasaru isumaqatigiissuteqartoqar-sinnaasoq Naalakkersuisut naatsorsuutigaat. Naalakkersuisulli paasissutissiissutigaa ajornartorsiutit qitiusut illuatungeriit kingullermik avissaarutigisaat suli atuuttut, tassalu 1) "illuatungeriit tamarmik immikkut assigiinngitsunillu soqutigisaqarnerat" aamma 2) "aaqqissuussinissaq ikorfartorsinnaajumallugu paasissutissat amigaataa-nerat unammilligassaavortaaq". Ataatsimut attanneqarsinnaasumillu aaqqiissutissa-mik paasissutissanik piviusunik tunngaveqartumik nassaartoqarnissaa tamanit soquti-gineqarpoq. Unammilligassat taaneqartut marluk (soqutigisat assigiinngitsut aam-malu paasissutissat amigartut) qaammatit aggersut marluk ingerlanneranni aaqqii-vigineqarnissaat Naalakkersuisut qanoq ilillutik qulakkiilersaarpaat? Taamatut anguniagaqarneq eqquutsinneqarsinnaanngippat "pilersaarut B" qanoq ittoq Naalak-kersuisunit isumaliutigineqarpa?

- b) Immikkoortunut pilersaarutiniq suliaqarneq Aningaasaqarnermut Naalakkersuisumit ataqatigiissaariffigineqartoq Ineqarnerut Naalakkersuisup innersuussutigaa. Immikkoortunut pilersaarutissatut pilersaarutigineqartut aammalu taakku qaqugu naammassineqartussatut naatsorsuutigineqarnersut pillugit skemanngorlugu takussutissiaq kissaatigineqarpoq.
- c) Maanna siusinaartumik pensionisiaqartut 30 %-ii suliffeqalissasut aammalu iluarsartuusseqqinnerup piviusunngortinneqarnerani suliffinnut eqqaallisakkanut/oqitsunut tapiissuteqartoqartassasooq Naalakkersuisup siunersiuinermi nassuiaatigaa. Suliffinnut eqqaallisakkanut/oqitsunut taakkununga aningaasat qanoq amerlatigisut immikkoortinneqassappat? Atorfiit qanoq ittut tapiissutiniq qinnuteqarfigineqarsinnaassappat? Atorfiit ilaqassappat tapiissutiniq qinnuteqarfigineqarsinnaanngitsunik? Aaqquissuussineq kommuninit imaluunniit Namminersorlutik Oqartussanit aqunneqassava?
- d) Sammisaaq 7 pillugu apeqquut akineqanngilaq. Iluarsartuusseqqinnermi suliniutit sunniutissaat pillugit kontomi isertitassatut Naalakkersuisut missingigaat allangortinneqartut itisilerlugit nassuiaatigineqarnissaat kissaatigineqarpoq. Siusinaartumik pensionisiaq iluarsaaqqinnissaaq ukiakkut ataatsimiinnissamut kinguartinneqarpoq, 1. januar 2016-imili atuutilersinnaanissaa suli ilimagineqarluni. Ineqarnermut tapiissutiniq iluarsaaqqinnissaaq kinguartinneqarpoq. Aammalu pensionisiaq iluarsaaqqinnerup sunniutissai aalisarnermilu pisuussutiniq iluaquteqarniarnermi akilerarutinit isertitassatut naatsorsuutigineqartut nutaamik naatsorsorneqarlutillu oqalligineqarput. Oqallinnerit taakku tamaasa tunngavigalugit: aningaasanut inatsimmi aningaasaqarneq imaluunniit atuutsinneqalerfissaattut piffissaaq eqqarsaatigalugu iluarsaaqqinnerit sunniutissaattut naatsorsuutigineqartunik Naalakkersuisut iluarsisuteqarsimanersut paasissutissiissutigeqquneqarpoq.
- e) Pituffik pillugu suliaq kingunerisaanik annaasassatut naatsorsuutigisat pillugit kisitsisunik nutaanik saqqummiussivigineqarnissaminik kissaateqarnini ataatsimiititaliap uteqqissavaa. November 2014-ip kingorna kisitsisit nutaajunerit pigineqanngippata kisitsisit nutaat qaqugu naatsorsuutigineqarsinnaassanersut paasissutissiissutigeqquneqarpoq aammalu uppersaqquneqarpoq taakku kinguarsaanertaqanngitsumik ataatsimiititaliamut nassiunneqarumaartut.
- f) Akileraartarnermik ineqarnermillu iluarsaaqqinnerup 2017-imut siuartinneqarnissanut Naalakkersuisut piareersimappat? Akileraartarnermik ineqarnermillu iluarsaaqqinneq siuariarnermik pilersitsissasooq aammalu ilaqutariit isertitakinnerit atugarinnerulernissaannut pilersitseqataassasooq ataatsimiititaliaq isumaqarpoq.

3. Ilaqutariinnermut, Naligiissitaanermut Isumaginninnermullu Naalakkersuisooq aamma Peqqissutsimut Nunanillu Avannarlernik Suleqateqarnermut Naalakkersuisooq:

- a) Ineqarnermut tapiissutiniq iluarsaaqqinnissap UKA 15-imi saqqummiunneqartussanngorlugu kinguartinneqartup imarisaasa allangortinneqarnissaat Naalakkersuisunit pilersaarutigineqanngitsoq eqqortumik paasinninnerua? Taamaappat: kinguartinneqarneranut suna siunertaava? Taamaanngippat: allannguutissat suut sulissutigineqarpat?
- b) Suliaritinniarlutik utaqquisut nalunaarsorsimaffiannik misissueqqissaarneq suliarineqartoq siunersiorneqarnermini Naalakkersuisup taavaa. Misissueqqissaarneq taanna 2016-imi aningaasanut inatsisissamik suliarinninnermut atatillugu atorneqassaaq. Misissueqqissaarneq qaqugu naammassineqartussatut naatsorsuutigineqarpa imarisaalu Inatsisartut ataatsimiititaliaannut susassaqtunut avitseqatiginnissutigineqalersaarpat?

4. Ilinniartitaanermut, Kultureqarnermut, Ilisimatusarnermut Ilageeqarnermullu

Naalakkersuisoq:

- a) Epionionimit takussutissiaq meeqqap PPR-imi allattugaatigineqarneranut pissutaa-sunik takutitsisoq nassiunneqarpoq. Erseqqissarneqarpoq suliat 35-45 %-ii isuma-ginninnermut tunngassuteqartunik suliassanik ilaqartut. Ataatsimiititaliaq aamma isumaqarpoq taakku ima agguataarneqarsinnaasut; 35 %-it AKT-mut (pissu-seq/attaveqarneq/atugarissaassuseq) tunngasunik ajornartorsiuteqartut, 43 % -it timi-mikkut eqqarsartaatsimikkullu innarluuteqartut aammalu 43 %-it ilinniagassatigut ilikkagaqarniarnermikkut ajornartorsiuteqartut (kisitsisit 2001-imeerlutillu 1995-imeersuummata kisitsisit 2001-imeersut kisimik innersuussutigineqarput, kisitsisit allat ukiunik 20-nik pisoqaassuseqarmata). Taamaalillunilu inuuniarnikkut ajornar-torsiutit pinnagit ilinniagassatigut ilikkagaqarniarnermikkut ajornartorsiuteqarneq immikkullu pisariaqartitsineq pingaarnerutinneqarput. Tamanna aamma ima paasine-qassava Epionionip 2013-imi nalunaarusiamini kisitsisit ukiut 14-it 20-illu akomanni pisoqaassusillit tunngavigisimagai? Atortussat allat nutaanerusut pigineqarpat, ukiummi 14-it ingerlaneranni pisoqangaatsiarsimassasoq ilamagineqarmat. Ilaatigut PPR-ip suleriaasia eqqarsaatigalugu.
- b) Meeqqat atuarfiannit aammalu Piareersarfimmit ikaarsarneq suleqatigiissitamit assigiinngitsunik suliaqartunik inuttalimmit aamma isiginiarneqassasoq ataatsimii-titaliamit kaammattuutigineqarpoq. Meeraaqqerivimmit ilinniagassamik inaartaa-sumik toqqaanissap tungaanut ikaarsaariarnerit meeqqat aqquusaagaat immikkut eqqumaffigissallugit pingaaruteqartoq ataatsimiititaliaq isumaqarpoq. Taamaattu-millu apeqqut tamanna siunissami immikkut sulissutigineqassasoq ataatsimiitita-liamit neriuutigineqarpoq.
- c) "Suli atualinngitsunut meeqqallu atuarfiannut tunngasuni sanaartornermut, aser-fallatsaaliinnermut iluarsartuussinissamullu pisussaaffimmik paatsuugassaannngitsumik akisussaaffimmik inissiinissaq" aqutsisoqatigiinnit suliarineqartoq Naalakkersuisut paasissutissiippat. Aqutsisoqatigiit qinersinissap nalunaarutigineqarneranut atatillugu sulinerat unitsinneqarsimasoq aamma paasissutissiissutigineqarpoq, tassa sulineq "politikkertaqarmat". Aqutsisoqatigiinnit ingerlanneqartut eqqumaffigineqarnissaat pisariaqartinneqartoq Inatsisartunit isumaqatigiittunit ukiuni arlaqaqisuni tikkuar-neqartartoq aammalu aningaasanut inatsisissamut isumaliutissiissutini arlaleriarlugu oqaatigineqartarnera eqqarsaatigaanni tamanna ataatsimiititaliamit uggorineqarpoq. Assersuutigalugu qineqqusaarnerup nalaani sulinerup ingerlatiinnerneqarnissaa poli-tikikkut partiinit Inatsisartunilluunniit isumaqatigiissutigineqarneratigut qinersinissa-mik nalunaaruteqarneq pissutigalugu sulinerup unitsinneqaqqinnginnissaa arlaatigut qulakkeerneqarsinnaava?
- d) "Nunatsinni tusagassiutinut naqitanut tapiissutit" (konto 40.94.28) pillugit nalunaa-rusiassami konto pillugu ataatsimiititaliap apeqqutigisai ilanngullugit isiginiarne-qarnersut itisileqqullugu Naalakkersuisut qinnuigineqarput. Periuseq Naalakkersuisut 2015-imi aningaasanut inatsisissatut siunnersuummut atatillugu saqqummiuteqqaa-gaat ataatsimiititaliamit arlalitsigut ernumanartoqartinneqarlunilu isumaliutersor-nartinneqarpoq – ataatsimiititaliap apeqqutigisaannut ataasiakkaanut tamanut akis-suteqaamminni isummeqqullugit Naalakkersuisut qinnuigineqarput – taakku Naalak-kersuisuimik siunersuineri akineqanngillat. Ataatsimut akissuteqarneq ataatsimiiti-taliamit naammagineqanngilaq.

5. Aalisarnermut, Piniarnermut Nunalerinermullu Naalakkersuisoq:

- a) Pisuussutinik uumassusilinnik piujuartitsinermik tunngaveqarluni atorluaasoqarnis-saa, tassungalu ilanngullugu MSC-mik nalunaaqutsersuisarnerup illersorneqarnissaa Naalakkersuisunit kissaatigineqartoq allassimavoq. 2014-imi decemberimili pias-

siissutiniq qaffaanerit qanoq amerlatigisimanersut aammalu taakkunanit qanoq amerlatigisut biologit kaammattuutaannit qaffasinnerunersut pillugit skemanngorlugu takussutissamik tunniusseqqullugit Naalakkersuisut qinnuigineqarput.

- b) Aalisakkat ikerinnarsortut allat sumiissuserneqarnissaannut Naalakkersuisut qanoq neriuuteqarpat?
- c) 11.5-imut akissut ersernerluppoq. Tamanna ima paasineqassava nunalerinnermut ataatsimiititaliarsuup kaammattuutaanut 2016-imi aningaasanut inatsimmi Naalakkersuisut namminneq immikkoortitsilersaanngitsut, isumaqatigiinniarnenili partiit ataasiakkaat tamanna pillugu kissaatinik saqqummiussinissartik namminneq aalajangissagaat? Nunalerinnermut ataatsimiititaliarsuup kaammattuutai pingaarnersuilluni tulleriarinnermut Naalakkersuisunit ilanngunneqalersarpata: suliassamut aningaasat qanoq amerlatigisut 2016-imi aningaasanut inatsimmi immikkoortinneqartussatut siunnersuutigineqalersaarnersut missingerneqarsinnaava?

6. Inuussutissarsiornermut, Suliffeqarnermut, Niuernermet Nunanullu Allanut

Naalakkersuisoq:

- a) Innutaasut "suliffissaaleqisunik immikkoortiterinnermi 3"-mi inissisimasut immikkut erseqqissumillu suliniuteqarfigineqarnissaat pisariaqartinneqartoq Naalakkersuisunik siunersuineri arlalissuarni ataatsimiititaliamit oqaluuserineqartarpoq. Tassunga atattillugu arlaleriarluni oqaatigineqarpoq isumaginninnermut suliffeqarnermullu tunngatillugu suliniutini tamani unammillernartoq tassaasoq isumaginninnermut siunnersortit suliassat inunnut ataasiakkaanut tunngassutillit amerlavallaat tigungmimatigit. Taamaattumik suliniutinik nutaanik isumassarsinissaq imaluunniit suliniutaareersunik pisariillisaanissaq kisimi apeqqutaanngilaq. Suliassaqarfimmi sulisut aningaasaliussallu annertusineqarnissaat aamma pisariaqarpoq. Taamatut isumaqarneq Naalakkersuisut isumaqatigaat?
- b) Ataatsimiititaliap paasinninnera malillugu innuttaasunik piginnaanngorsaaqqinnermi kommunit aningaasat atugaat piginnaanngorsartunillu eqqumaffiginninnerat Naalakkersuisunit naammagineqanngilaq. Tamanna eqqortumik paasinninnerua, taamaasimappallu piginnaanngorsaaqqinnissamut periarfissap innuttaasunut piukkunnartunut atuutsinneqarnerulernissaa Naalakkersuisunit qanoq sulissutigineqassava?
- c) Siunersuineri apeqqut 12.10-imut akissut ima paasineqassava Naalakkersuisut isumaqartut inuusuttut ilinniagaqarsimanngitsut suliffeqanngitsullu iliuuseqarfigineqarnissaannut Piareersarfik sakkussaasoq pitsaanerpaq aammalu Piareersarfik siunissami inuusuttunik 900-inik ilinniartoqarnissaa Naalakkersuisunit naatsorsuutigineqarpa?

Ull. 24. april ineqarneq pillugu isumasioqatigiinnermut atatillugu apeqqutit malitseqartitsissutit:

- a) Ilaqutariinnermut, Naligiissitaanermut Isumaginninnermullu Naalakkersuisup aammalu Peqqissutsimut Nunanillu Avannarlernik Suleqateqarnermut Naalakkersuisup saqqummiussaa ima paasineqassava utoqqarnut aammalu innarluutilinnut inissianik pisariaqartitsineq iluamik ilisimaneqanngitsoq? Misissueqqissaarneq qaqugu naammassineqartussatut naatsorsuutigineqarpa? Suliassaqarfinnut taakkununga marlun- nut (utoqqarnut innarluutilinnut tunngasunut) immikkoortumut pilersaarutit nutar- tikkat qaqugu pigineqalernissaat naatsorsuutigineqarpa?
- b) Anda Uldum saqqummiussinermi ima oqarpoq "inissialiornermut aningaasar- tuutaasut aningaasaliinissaagaluanut assersuutigalugu angallannermut, ilinniartita- ainnermut peqqinnissamut kiisalu isumaginninnermut akimmisaarutaasut". Tamanna ima paasineqassava assersuutigalugu innuttaasut nuttarnulernissaannik kissaate- qarnermut atatillugu inissianik sanaartorneq aningaasaliinertut Naalakkersuisunit

- isigineqanngitsoq? Tassunga atatillugu ilinniartut ineqarfiinik sanaartorneq inissianik sanaartornertut isigineqannginnami?
- c) Anda Uldum nangilluni oqarpoq "unammillernartoq alla tassaasoq naatsorsuuteqar- neq/sungiusimasanik isumaliortaaseq pisortat kikkut tamat inissanik isumagissa- vaat". Taama oqarnej itisileqquneqarpoq aammalu paasissutissiissutigeqquneqarluni initaarnissamut utaqqisoqalerneranut "sungiusimasanik isumaliortaatsip" saniatigut allat pissutaanersut?
- d) Inuuniarnermik tunngaveqartumik nuttarnissamik kissaateqarnej ineqarnermut poli- tikimut qanoq ilanngunniarneqarpa? Utoqqaat, ilinniartut isertitakitsullu kisimik siunissami pisortat inissiaataanni ineqartinneqartassasut siunniunneqarpoq. Inuttaasut sinneri inissianik imminnut pilersortussatut naatsorsuutigineqarput. Tassunga atatillugu illoqarfinni anginerni atugarliornerit najugaqarfianik tulluanngitsumik pilersitsinissaq Naalakkersuisut ernumatsiginngilaat?
- e) Inissiaatimik tamarmiusut tamaasa ataatsikkut tunniunneqarnerisigut nunatta karsia ukiumut 250 millioner kroninik sipaaruteqassasoq Naalakkersuisut paasissutissiis- sutigaat. Tamanna tunngavigalugu Naalakkersuisut isumaqarput "atugassaritita- sunut nammineq inissialiornissamut nukingisaarutaasinnaaneranut paasinarsivoq". Tamanna ima paasineqassava aningaasat inissianik nammineq pilersornissamut ullumikkut kajumissaarutaasut Naalakkersuisunit amerliniarneqartut imaluunniit attatiinnarniarneqartut – aningaasallu qanoq amerlatigisut tamatumunnga atugassatut Naalakkersuisut siunissami ukiumoortumik immikkoortilersaarpaat?
- f) "Pisortat aningaasaligaannik inissiat namminerisamik inissialiornissamik periar- fissiinngitsut" pillugit politikertik itisileqqullugu Naalakkersuisut qinnuigineqarput. Assersuutigalugu isertitaqassutsimut imaluunniit inoqutigiit atugaannut tunngasumik pissutsit pillugit nutaanik piumasaqaateqarnikkut pisortat inissiaataannik pissar- sisinnaaneq siunissami Naalakkersuisunit killilersorneqarniarnersoq aamma itisileq- quneqarpoq?
- g) 20/20/60-imik aaqqissuussinerup tamakkiisumik atorunnaarsinneqarnissaanik ima- luunniit aaqqissuussinerup Nuup avataaniittunut neqeroorutigineqarnissaanik siusin- nerusukkut siunnersuut Naalakkersuisunit malinniarneqanngitsoq isumasioqatigiin- nermi oqaatigineqarpoq. Aaqqissuussineq niuerfimmumut kipusoortitsisartutut uparuar- neqartarpoq. Naalakkersuisulli 20/20/60 Nuummi atuutsiinnarniarpaat aammalu Sisimiuni, Ilulissani, Qaqortumi, Maniitsumi, Aasianni Tasiilamilu periutsit nutaat pilerinarnersullu atuutsilerniarlugit. Tamatuma saniatigut aningaasaliinissanut nutaanut aningaasassaqarumalluni 20/20/60 naapertorlugu taarsigassarsiarititat piffissaq sioqqullugu akilernerneqarnissaannik neqerooruteqarnissaq Naalakkersuisut pilersaarutigat (taarsigassarsiarititat katillugit 7-800 millioner kroner).
- Piffissaq sioqqullugu akiliinissaq piumasaqaataassava imaluunniit neqeroorutaassava?
 - Taarsigassarsianik siusinaartumik akiliinissaq "pisortat taarsigassarsiaasa naleqqussarneqarneranni" alloriarneq siullertut allaaserineqarpoq. Tamanna 20/20/60-imik aaqqissuussinerup Naalakkersuisut attasiinnarniarnernannut naapertuuppa? "Naleqqussaannissamik" kissaateqarnej aammalu namminerisamik inissialiortitsinermut nunatta karsianit tapiissutit attatiinnarneqarnissaannik annertusarneqarnissaannillu pilersaaruteqarnej imminnut assortuutinnngillat?
- h) Ernianut ilanngaati (ernianut ilanngaati annikillineqarnera pineqarsimassasoq ili- magineqarpoq) peerneqarnerata kiisalu nunaminertamik attartornermut akiliisitsi- salernissamik pilersaarutit kingunerisaanik namminerisamik aningaasaliinerit 2011/2011-imi unikaallassimasut oqaatigineqarpoq. Paasissutissat taakku sumin-

ngaanneernerat nalunaarlugu tunngavilersoqquneqarput aammalu 2011/2012-imi unikaallattoqarnera allanik pissuteqarsimanersoq paasissutissiisutigeqquneqarpoq.


- i) Seqersittagaq nr. 14 ima paasineqassava "isertitakinnerpaat pisortat inissiaataannik attartortut" "piginneqatigiillutik inissiaatilinnut kiisalu inissiamik piginnittunut" aammalu "akunnattumik kiisalu qaffasittumik isertitaqartunut pisortat inissiaataannik attartortunut" sanilliullutik pisortanit tapiissutinik amerlanerpaanik pisartagaqartuusut? Naatsorsuinermi tassani immikkoortunik attuumassuteqartunik ilanngunneqanngitsunik peqarpa aammalu aningaasaqarnej pillugu siunnersuisoqatigiit imaluunni akileraartarnej atugarissaarnerlu pillugit isumalioqatigiissitap siusinnerusukkut naatsorsugaannut arlaatigut akerliusunik peqarpa? Taamaassimappat paasissutissanik pissarsiffiit naatsorsuinerillu attuumassuteqartut innersuussuteqarfigequneqarput.
- j) Illuut A/S-ip pisarineqarnissaa pillugu aningaasaliisartunit namminersortunit/pensionisiaqarfinit saaffiginnittoqarsimava? Illuut A/S aningaasalersueriaatsit taallugu pilersinneqarpoq – tunisinerup kingorna pisortat inissialiortiternerat qanoq aningaasalersorneqarniarpa? Illuut A/S tunineqassappat inatsisinik allanngortitsinissaq pisariaqassava?
- k) Tunngavik 6, 7, 12, 14 aamma 17 eqqarsaatigalugit piffissalersuutinik imaqartumik itisiliinissaq kissaatigineqarpoq.
- l) Suliniut 1-ip itisilerneqarnissaa kissaatigineqarpoq, tassunga ilanngullugu inissiaatileqatigiiffinnut piginnittuunerup atorunnaarsinneqarnissaanik kissaateqarnerup nalunaarutigineqarneranut suliniut 1-ip qanoq attuumassuteqarnera pillugu nassuiaat.

Ull. 24. april ineqarnej pillugu isumasioqatigiinnermut atatillugu apeqqutit malitseqartitsissutit:

- a) Piffinni taaneqartuni allani (Nuuk, Ilulissat, Sisimiut, Aasiaat, Maniitsoq, Ummannaq, Upernavik) illoqarfinnut agguataarineq malinnagu Rambøllip seqersittagaliami "mittarfeqarfiit ilusaannik misissueqqissaarineq"-mi kujataani paasissutissat ataatsimoortillugit katersorneqarnerannut suna pissutaava? "Allat"-ni kujataani sumiiffiit aamma ilaatinneqarpat (taamaassimappat sorliit)?
- b) Saqqummiussamit: "Mittarfiit aningaasalersorsinnaanissaannut isumaliutissiisutit": Tassani oqaatigineqarpoq aningaasalersuinissamik kissaatit 1-3 milliarder kronit akornanniittut, tamatumanili kommunit Namminersorlutillu Oqartussat taarsigassarseqqinnissaminnut periarfissaat killeqartut. Taamatuttaaq taama amerlatigisunik aningaasalersuinissamut nunatta karsia periarfissaqanngitsoq oqaatigineqarpoq. Taamaattumik "attaveqarnerup siunissami aaqqissuussaannissaa"-ni pisussanut takussutissiat aningaasalersornissaannut periarfissanik naliliissut piviusorsiortoq kissaatigineqarpoq, tassani allassimassalluni suliniutit 2016-imi aallartereerneqassasut.
- c) Piffissamut suliallu ingerlannissaannut pilersaarutissatut missingiut malikkaanni piffissami 2016-2020-imi suliniutit tallimat ingerlanneqassasut takuneqarsinnaavoq. Taakku oqaatigineqareersutut annertungaatsiartunik aningaasaliinerupput. Tamatuma peqatigisaanik immikkoortunut pilersaarutinik arlalinnik Naalakkersuisut suliaqarput, taakkulu sanaartornermik suliniutinik allanik arlalinnik nassataqarniartussaapput. Sanaartornermut suliasat aamma allat aallartinneqarsimapput aallartinneqartussatulluunniit naatsorsuutigineqarlutik. Soorluttaaq aatsitassarsiormik suliniutit ikinnerpaamik 2-3-t, tassungalu ilanngullugu suliniut angisooq ataaseq piffissami pineqartumi aallartinneqarnissaat isumalluarfigineqartoq. Aningaasaqarnikut annertuallaamik ingerlatsisoqalersinnaanera Naalakkersuisunit qanoq isumaliutersuuteqarfigineqarpa?

Ataatsimiititaliap allagaa Naalackersuisunit akissuteqarfigineqarlunilu oqaaseqarfigineqassasoq qinnutigineqarpoq. Naalackersuisut apeqqutinik siuliani allassimasunut akissutaat kalaallisut danskisullu 4. maj 2015 nallertinnagu nassiuteqquneqarpoq assilineralu qarsaasiakkut uunga nassiunneqarluni: saam@ina.gl

Inussiarnersumik inuulluaqqusillunga



Jens Immanuelson
Ataatsimiititaliap siulittaasua